

THE PALIVERSE PROJECT

The Universe of Buddha's Wisdom

Subcommentaries (Tīkā)

2. The Canon of Discipline - Subcommentaries
(2. Vinaya Piṭaka - Tīkā)

04. Subcommentary on the Minor Chapter (04. Cūḷavagga-
tīkā)

2. The Section on Probation (2. Pārivāsikakkhandhakaṃ)

[Kd 12, PTS 2.31-2.37]



PaliVerse

04. Subcommentary on the Minor Chapter

2. Pārivāsikakkhandhakam

Pārivāsikavattakathāvaṇṇanā

75. Pārivāsikakkhandhake navakataram pārivāsikanti attano navakataram pārivāsikam. Pārivāsikassa hi attano navakataram pārivāsikam t̥hapetvā aññe mūlāyapaṭikassanārahamānattārahamānattacārikaabbhānārahāpi pakatattaṭṭhāneyeva tiṭṭhanti. Tenāha “antamaso mūlāyapaakassanārahādīnampī”ti. Pāde ghaṃsenti etenāti pādaghaṃsanam, sakkharakathalādi. “Anujānāmi, bhikkhave, tisso pādaghaṃsaniyo sakkharam kathalam samuddapheṇaka”nti hi vuttam. Saddhivihārikādīnampi sādīyantassāti saddhivihārikānampi abhivādanādiṃ sādīyantassa. “Mā maṃ gāmappavesanam āpucchathā”ti vutte anāpucchāpi gāmam pavisitum vaṭṭati. Yo yo vuḍḍhoti pārivāsikesu bhikkhūsu yo yo vuḍḍho. Navakatarassa sādītunti pārivāsikanavakatarassa abhivādanādiṃ sādītum.

Tatthevāti saṅghanavakaṭṭhāneyeva. Attano pāliya pavāretabbanti attano vassaggena pattapāliya pavāretabbam, na pana sabbesu pavāritesūti attho. Yadi pana na gaṇhāti na vissajjetīti yadi purimadivase attano na gaṇhāti gahetvā ca na vissajjeti. Catussālabhattanti bhojanasālāyam paṭipāṭiya diyyamānabhattam. Hatthapāse t̥hitenāti dāyakassa hatthapāse t̥hitenā.

76. Añño sāmaṇero na gahetabboti upajjhāyena hutvā añño sāmaṇero na gahetabbo. Upajjham datvā gahitasāmaṇerāpīti pakatattakāle upajjham datvā gahitasāmaṇerāpi. Laddhasammutikena āṇattopi garudhammehi aññehi vā ovaditum labhatīti āha “paṭibalassa vā bhikkhussa bhāro katabbo”ti. Āgatā bhikkhuniyo vattabbāti sambandho. Savacanīyanti sadosam. Jeṭṭhakaṭṭhānam na katabbanti padhānaṭṭhānam na katabbam. Kiṃ tanti āha “pātimokkhuḍdesakena vā”tiādi.

Rajehi hatā upahatā bhūmi etissāti rajohatabhūmi, rajokiṇṇabhūmīti attho. Paccayanti vassāvāsikalābham sandhāya vuttam. Ekapasse t̥hatvāti pāliṃ vihāya bhikkhūnam pacchato t̥hatvā. Senāsanam na labhatīti seyyāpariyantabhāgitāya vassaggena gaṇhitum na labhati. Assāti bhavēyya. “Āgantukena ārocetabbam, āgantukassa ārocetabba”nti avisesena vuttattā sace dve pārivāsikā gataṭṭhāne aññamaññam passanti, ubhohipi aññamaññassa ārocetabbam. Yathā bahi disvā ārocitassa bhikkhuno vihāram āgate puna ārocanakiccam natthi, evam aññam vihāram gatenapi tattha pubbe ārocitassa puna ārocanakiccam natthīti vadanti.

81. Avisesenāti pārivāsikassa ukkhittakassa ca avisesena. Obaddhanti palibuddham.

83. Sahavāsoti vuttappakāre channe pakatattena bhikkhunā saddhiṃ sayanameva adhippetam, na sesairiyāpathakappanam. Sesamettha suviññeyyameva.

Pārivāsikakkhandhakavaṇṇanā niṭṭhitā.



ABOUT THIS TRANSLATION

This translation is part of the PaliVerse Project - the first complete, unified English translation of the Pāli Canon together with its Commentaries (Aṭṭhakathā) and Subcommentaries (Ṭīkā), accompanied by interactive study tools. PaliVerse is an ongoing project. The AI translations are continuously improved through experts' revisions and feedback. This text is the latest translation as of the date of download.

PDF Creation Date: 14 September 2026

HOW TO CITE

PaliVerse (2026). Subcommentaries. 2. The Canon of Discipline - Subcommentaries. 04. Subcommentary on the Minor Chapter. 2. The Section on Probation Retrieved from paliverse.org

© 2026 The PaliVerse Project · All Rights Reserved
Centre for Study and Practice of Theravāda Buddhism
Civic Non-Profit Company registered in Greece
This PDF may be freely distributed for study and practice.

PaliVerse.org